

القصر الهادي

رواية بالعامية المصرية

دينا عماد

نشر الكتروني

القصر الهادي

القصر الهادي

2012

دينا عماد

رواية بالعامية المصرية

الغلاف والخراج الفني :

احمد محمود

حقوق النشر محفوظة للمؤلفة ولايجوز اعادة نشر هذا
الكتاب او مقتطفات منه او الاقتباس دون ذكر المصدر , الا
بموافقة من المؤلفة ومن يخالف هذا يعرض نفسه
للمسائلة القانونية

القصر المادي

رواية بالعامة المصرية

دينا عماد

الى استاذ نبيل خالد
اول من اخذ بيدي من هاوية الى مهترفة
بنشر كتب الكلمات المتقاطعة فى دار النشر
خاصته

الى احمد ميمود
صاحب فكرة نشر قصصى الكترونيا وهو اللى
أعد الكتاب اللى بتقرأوه حاليا وكتب الخرى
وبعتبره مستشارى ومساعدى
الى قراء المدونة \\ اصدقائى على الفيس \\
اعضاء بيدج المدونة \\ كل قارئ \\ انت \\
انت

اعتقد ده اطول اهداء فى تاريخ الاهداءات
اسفة انى طولت عليكم والكتاب الجاى اكون
افتكرت اللى نسينهم

دينا عماد

المقدمة

صباح الخير او مساء الخير حسب ما
هتقراوا الكتاب
ولا اقولكم نضايها ... السلام عليكم
اصرت وانا بكتب المقدمة هكتبها عامية
ولا فصوى
فضلت العامية لانها هى اسلوب كتابتى
فى القصص
طبعا القراء السابقين عارفين انى بكتب
عامية
اما القراء الجدد فعايزة اوضح لهم انا ليه
بكتب عامية
الصمد لله لا اعانى من انيميا فى اللغة
ولكن العامية اقرب لى

تقدروا تقولوا بصب اكتب بيها لاني اغلب
قصصى بلجأ للحوار
وطبعا لا اعتبر نفسى بكتب روايات اربية
انما ممكن نقول بكتب دراما
يعنى..اقرا ..تضيل ... عينن المننهر
- كفاية رغى بقى يا دينا وسيبيهم
يقراوا
- حاضر حاضر
ماتخدوننن فى بالكم وه صوتى الداخلى
اسيكم بقى مع القصة واتمنى تعجبكم

. 1 .

وصل منير بيته حوالى الساعة 10 بالليل
بناته مريم وملك بيتفرجوا على التلفزيون
مريم وملك توأم 20 سنة وطالبات فى كلية تجارة
زوجته فاطمة موظفة باحد البنوك... معاه
"بابا... حمدالله ع السلامة"
"الله يسلمكم... ماما فين"
فاطمة جاية من المطبخ
"انا هنا يامنير... كنت بحضر غدا بكرة"
منير "تعالى عايزك"
قعدت فاطمة قدام منير... جنب البنات
وكمل منير
"سعد ابن عمى اتصل بيا من البلد وبيقول عمى
عايزنى ضرورى لانه تعبان وبيموت"
"عايزك ليه"
"معرش سعد أكد عليا انه بقاله يومين بيقولهم
عايز اشوف منير وولاده"
"مش انت مقاطعه من زمان من ساعة ما ضحك
عليك انت واخواتك فى تمن الارض بتاعتكم"

"خلاص يا فاطمة عفا الله عما سلف... الرجل
بيموت وانا مسامحه"
"انت حر احنا الحمد لله مش محتاجين"
"احنا هنروح لهم بكرة ان شاء الله"
وسكتت فاطمة وهى بتبص له باستغراب...
واتكلمت بتردد
"لاااا... انا وبناتى مش هنروح هناك"
انتبهوا البنات للمناقشة اللى بين مامتهم وباباهم
ووطوا التليفزيون
ملك"ليه ياماما منروحش نشوف البلد اللى بابا
منها"
بصت فاطمة لمنير... اللى دور وشه
مريم"هو انتى زعلانة من حد هناك"
منير رد بعد ما حس ان بناته مساندينه "عندك
سبب مقنع يا فاطمة"
فاطمة"انت عارف انى بخاف ارواح البلد هناك"
وضحكوا البنات
ملك"بتخافى من ايه ياماما"
فاطمة"البلد هناك ثقيلة اوى وتخلي الجسم يقشعر
م الرعب"
منير"رعب ايه بس يا فاطمة انتى علشان لما
روحنا هناك اول ما تجوزنا خفتى شوية يبقى
البلد مخيفة"

فاطمة"ايوه انا مخفتش شوية... انا اترعبت وانت
عارف كويس ان مش انا لوحدى اللي بخاف"
منير يبحاول ينفى كلامها
"الكلام ده من اكثر من 20 سنة الدنيا دلوقتى
اتغيرت وطبيعى من 20 سنة كان الهدوء مع
الارض والضملة يخوفوا... وعموما انا بقول
نروح صدر رد ونرجع على طول فى نفس اليوم"
مريم وملك
"اه والنبي ياماما...نروح وفرصة احنا فى اجازة
نص السنة ومفيش ورانا جامعة"
فاطمة"بشرط...نرجع بالنهار يعنى نروح بدرى
ونرجع بدرى"
منير"حاضر...هروح الشغل بس ساعة وارجع
تكونوا جاهزين"
وافقت فاطمة على مضمض وقامت تكمل اللي
كانت بتعمله فى المطبخ وقام منير دخل اوضته
يغير هدومه
والبنات كملوا الفيلم الاجنبى اللي كانوا ببشوفوه
لما علوا صوت التلفزيون فجأة... علا الصوت
اوى
وكان مشهد لست بتصرخ فى فيلم رعب
جت فاطمة تجرى من المطبخ على الصوت
"ايه.... حصل ايه"

تقدروا تقولوا الارض كلها بتاعته الا تحت قليلة
اوى... يومها لقيتهم بيدخلوا بيوتهم من قبل
المغرب... وبيولعوا بخور كثير فى البيت...
ودخلونى الاوضة اللى هنام فيها وكان هى كمان
فيها بخور... فقلت لهم ان الدخان بيتعبنى علشان
عندى حساسية فى صدرى قالوا لازم علشان
الناموس ميحيش... سكنت ولما خرجوا من
الاوضة وخلص هنام طفيت البخور... باباكوا
نام قبلى... لسه هنام سمعت صوت طفل صغير
بيعيط... الصوت كان متواصل وانا عارفة ان
الطفل اللى عندهم ابن سعد كان عنده حوالى 3 او
4 سنين انما ده صوت رضيع... بصيت من
الشباك كان ضلمة كحل ومشفتش اى حاجة...
بقرب وشى من القزاز بتاع الشباك علشان اشوف
كويس لان اللى جه فى دماغى ان يمكن يكون حد
ساب عيل صغير زى الافلام... لقيت فى وشى
ورا القزاز شكل واحدة ست مرعبة صرخت...
قام باباكم من النوم وكل البيت جه على
صرختى... اول حاجة عملتها مرات سعد انها
ولعت البخور بسرعة وسألونى حصل ايه حكيت
اللى حصل واللى شفته وسمعته وطبعا حاولوا
يقنعونى ان مفيش حاجة من دى سمعوها وانى
بيتهالى"

مريم وملك كانوا مركزين مع حكايتها اوى
مريم"وهو ده اللي مخوفك ياماما"
ملك"اه طبعا يامريم لها حق تخاف...كملى ياماما
حصل ايه بعد كده"

فاطمة"مفيش انا فضلت صاحية للصبح اقرا فى
قران و عيونى مغمضوش واول ما النهار طلع
رجعنا على طول ومن ساعتها مروحتش هناك
تانى لان بعد كده حصل مشاكل بين باباكم وعمه
وحصلت مقاطعة بينهم لحد اللي سمعتوه
النهاردة"

مريم"حلو اوى جو الاكشن ده"
ملك"اكشن ايه وهباب ايه انا اخرى اتفرج على
2mbcولا بانوراما اكشن مش اروح بيت
رعب"

مريم"يعنى هيطلع لنا عفريت هناك...يبقى
يورينى نفسه"
زعقت فاطمة

"بسم الله الرحمن الرحيم... اللهم احفظنا محدش
يجيب السيرة دى كده .. اقروا قران وان شاءالله
نيجى بالنهار لان الليل هو اللي مرعب هناك"
ملك"مايبلش"
فاطمة"ماهو ده اللي بقوله"

مريم "لالالا نروح هيجصل ايه يعنى ما قرايب
بابا عايشين هناك طول عمرهم اهو ومحصلش
حاجة"
فاطمة "ربنا يستر"

تانى يوم الصبح بدأت فاطمة تستعد وتصحى
البنات
لحد ما يرجع منير من الشغل بعد ساعة زى
ما اتفقوا
فاتت ساعتين ومنير لسه مرجعش والبنات بدأوا
يزهقوا بعد ما لبسوا
وفاطمة اللي شاغلها ان التأخير ده هيعطلهم فى
الرجوع
اتصلت بيه فاطمة
"الو... ايه يامنير انت فين... احنا لابسين من
بدرى... الساعة بقت 11 هنلحق نروح ونرجع
قبل الليل... ما نأجلها لبكرة ونروح من بدرى
شوية... خلاص خلاص يالابقى متتأخرش... لو
اتأخرت والله ما انا رايحة فى حنة... النهار
قصير والمغرب بتبقى الساعة 5 وانا مش هبات
هناك... طيب... ماشى هنبقى ننزل.. سلام"
ملك" ايه ياماما لسه هيتأخر"
فاطمة" بيقول قدامه نص ساعة بالكثير"

مريم" وفيها ايه يعنى حتى لو رجعنا بالليل ماهو
احنا هنمشى من عندهم قبل الليل"
فاطمة" يابنتى من قبل المغرب محدش بيمشى فى
البلد خالص يعنى لو جت علينا المغربية هناك
هنبقى اتحبسنا فى البيت للصبح"
ملك" بابا قالك ايه لما قلتيله نأجلها لبكرة"
فاطمة" زعق لى"
مريم" مكبرين الموضوع اوى"
قامت مريم وهى متعجبة من موقف مامتها
واختها

بعد نص ساعة... وصل منير بعربيته تحت
ونزلوا له... راح محطة البنزين... فول العربية
وخرجوا من القاهرة حوالى الساعة 12 الظهر

. 3 .

طول الطريق وفاطمة مشغلة قرآن فى العربية
وبتمتم فى سرها... وملك كمان بتمتم فى سرها
بقراءة القرآن
منير ومريم يبصوا لبعض فى المراية ويشاوروا
على فاطمة وملك ويضحكوا فى سرهم على
الرعب اللى هما فيه

وصل منير البلد حوالى الساعة 2 الظهر
اتصل بسعد على موبايله علشان يعرفه انهم
وصلوا
وبعد عدة محاولات
"الشبكة وحشة اوى هنا"
فاطمة "مفيش شبكة؟"
منير "تقريبا مفيش"
فاطمة "وبعدين"
منير "عادى يافاطمة اى واحد هنسأله هيدلنا مش
كيميا يعنى"
وشاف فلاح معدى... سأله عن بيت الحاج سعد
وبعد الوصف... مشى منير بالعربية حسب
الوصف

لحد ما وصلوا عند البيت
بصت فاطمة للبيت وافكرت اسوأ ليلة عدت
عليها فى حياتها
البيت متغيرش كثير نفس البيت الكبير القديم
المكون من دورين
نزلوا من العربية... والبنات ببيصوا حوالهم
للجو الفلاحى وهما مبتسمين فرحانين بالجو
الفلاحى المحيط
نزل منير من العربية... خبط ع الباب ووراه
فاطمة ووراها البنات
فتحت الباب فتاة شابة... حامل
"يا اهلا وسهلا يا اهلا وسهلا... عمى
منير.. اتفضل"
ابتسم لها منير وهو مش عارف مين دى
فهمت البنت
"اتفضل يا عمى انا سامية"
سلم عليها منير
"الله الله ماشاء الله كبرتى... انا مشفتكيش بس
عارف انك بنت سعد الصغيرة"
"صح يا عمى... اتفضل"
منير "تعالوا يا بنات... فاطمة مراتى وبناتى مريم
وملك"
سامية "اهلا وسهلا... البلد كلها نورت"

البننت سلمت عليهم كلهم وبترحاب شديد
دخلوا... البيت من جوه غير من بره خالص
البيت مفروش من جوه زى اى بيت فى اى مدينة
وواضح ان البيت متوضب ومفروش جديد مش
من زمان

سامية"امى فوق هطلع انادى لها"
ظهرت الام من على طرف السلم من فوق
"اهلا وسهلا... نورتونا"
نزلت الام وسلمت عليهم بكل ترحاب
قعدوا مع بعض
الام"حمدالله ع السلامة... ده احنا مستنيينكم من
بدرى"

منير"الله يسلمك... او مال سعد وعمى فين"
الام"عمك ربنا يتولاه برحمته فوق فى سريره
وسعد هنتصل بيه حالا... قومى ياسامية اتصلى
بأبوكى"

قامت سامية اتصلت من تليفون ارضى..
ورجعت بعد دقيقة
سامية"جاي حالا"
الام"منورين والله... لحد ما سعد يبجى اكون
جهزت الغدا"
فاطمة"مالوش لزوم نتعبك"

الام "تعب ايه بس تعبكم راحة... ده انتوا منورين
والله"

منير "فين الحمام يا ام سامى"

الام "تعالى اتفضل"

مشيت الام ومشى وراها منير... سامية بترحب
بيهم

"منورين"

فاطمة "بنورك يا حبيبتى... ربنا يكملك على خير
انتى قربتى ولا ايه"

سامية وهى بتبص على بطنها
"لسه فى التامن"

فاطمة "انتى شكلك صغيرة اوى... انتى عندك
كام سنة"

سامية "انا عندى 19 سنة... لسه مكملتهمش"
واتفاجئوا مريم وملك

"انتى مش بتدرسى"

"ما انا خلصت الدبلوم واتجوزت على طول"

فاطمة "هما عوايدهم كده يابنات بيتجوزوا بدرى"
قطع كلامهم صوت الباب بيتفتح

دخل راجل كبير سنه مقارب لسن منير... ووراه
شاب فى العشرينات

سعد "يا مرحب يا مرحب... نورتونا"

فاطمة والبنات قاموا يسلموا عليه.. وكان منير
رجع من الحمام
بعد السلامة ولما عرفهم على ابنه الكبير سامى
سعد"تعالى نطلع تسلم على الحاج لحد ام سامى
ما تحضر الغدا"
وظلع منير وسعد وسامى للدور العلوى
ودخلت ام سامى المطبخ ومعها سامية

. 4 .

لما طلع منير لعمه ... العم كان نايم
سعد"يا حاج ... يا حاج منير جه يشوفك"
منير"سييه نايم ياسعد متلقوش"
فتح العم عينه وغمضها تانى
سعد"اهو شبه غايب كده عن الوعى بيقوم يكلمنا
ويروح تانى... هو طلب يشوفك وقال ان ليك
100 الف جنيه فرق فلوس الارض دى حقك انت
واخواتك... وهو وصانى بيهم وانا تحت امرك
بس تسامحه"
منير"ومن غير حاجة خالص انا واخواتى
مسامحين ..ده عمنا والضفر ميطلعش م اللحم"
خبط سعد على كتف منير
"ده العشم برضه... بص ياسامى روح حضر
100 الف جنيه لعمك ياخدهم قبل مايمشى"
سامى"بس يا حاج...."
سعد"ايه فى ايه"
سامى"مفيش فلوس تكمل المبلغ انما ممكن بكرة
الصبح احوله المبلغ كله ع البنك"
منير"مفيش مشكلة الدار امان ... وبالبنك احسن
مش معقول همشى بالفلوس كده"

سعد" اللى تشوفه"
منير" طيب نازل احنا علشان منز عجش الحاج"
قاموا كلهم... ومال منير على عمه الناييم وباس
راسه وايده قبل ما يمشى من الاوضة

نزلوا كانت السفرة جاهزة بما لذ وطاب
من جميع الاصناف والاشكال
اتغدوا كلهم وهما قاعدين مع بعض
وام سامى بتعزم وتأكل للتعبير عن الكرم
والترحيب
لما خلصوا الغدا...

وبیغسلوا ايديهم واحد ورا التانى
راحت فاطمة جنب منير ومكنش حد قاعد
"هنمشى امتى"

منير"كمان شوية... احنا هنعمل زى الضيف
المجنون ياكل ويقوم... عيب نمشى على طول
كده نستنى شوية"
"الساعة عدت 3 كفاية كده"

رجع سعد ... وبعده البنات ومعاهم سامية وسامى
تبادلوا كلهم موضوعات عامة
سعد"ايه يابنات تحبوا تنفرجوا على الارض
والمزارع بتاعتنا"
ردوا البننتين

"اه ياريت.. اه طبعاً"
فاطمة"معلش احنا لازم نقوم علشان بس منير
مش بيحب يسوق بالليل"
سعد"احنا فين والليل فين... لسه مش اقل من
ساعتين على المغربية"
مريم لمامتها"نتفرج شوية ونيجي نمشى على
طول"
سعد"قوم يا سامى خد بنات عمك اتمشوا شوية
ومتأخروش"
قام سامى وهو بيتسم وفرحان وبيبص لمريم
"اتفضلوا"
قاموا البنات معاه... وخرجوا
ودخلت سامية مع مامتها المطبخ وجابت شاي
وفاكهه ورجعوا وقعدوا كلهم مع بعض... يتكلموا
ويفتكروا ايام الطفولة والشباب
وبعد حوالى ربع ساعة.. قامت سامية
"بابا انا رايحة بيتى اجيب حاجات قبل الليل
وراجعة على طول"
سعد"طيب متأخريش"
سامية"حاضر"

. 5 .

خرج سامى مع مريم وملك
"تحبوا نتمشى بالعربية ولا على رجلينا"
ملك ماسكة فى ايد مريم
ملك "بالعربية"
مريم "لا طبعا عربية ايه خلىنا نستمتع بالمنظر
الطبيعى ده ونمشى على رجلنا"
سامى انا كمان من رأى مريم
مريم بصت له باستغراب
"برافو عليك عرفت الفرق بينى وبين ملك مع ان
مش اى حد يفرق
بيننا"
ملك "برافو على ايه... تلاقيه عرفنا من لبسنا"
سامى "لا طبعا مش من لبسكم... اقولك انا
عرفتكم بلون العين مريم عينيها عسلى وانتى
عنيكى سودا"
ملك "ده انت ركزت بقى"
ضحكت ملك وابتسمت مريم... سامى ارتبك
وغير الموضوع
"عمركم شفتوا عجل لسه مولود"
ردوا الاتنين "لااء"

سامى "طيب تعالى النهاردة كان عندنا حالة ولادة
...تعالوا اتفرجوا"

اخذهم سامى لركن فى الزربية
اتفرجوا مريم وملك وهما فرحانين بالحدث اللى
اول مرة يشوفوه

سامى بيراقب رد فعلهم فى صمت وهو عارف
انها بالنسبة لهم حاجة غريبة مش متعودين عليها
زى اهل البلد

وسمعوا صوت طفل رضيع بيعيط
ظهر الرعب على ملك
"ايه الصوت ده"

سامى "صوت طفل بيعيط"
ملك "ياللاااااا بينا بسرعة من هنا... يبقى ده
الصوت اللى ماما قالت عليه"
سامى "متخافيش ياملك"

ملك جريت بعيد... ومريم وسامى وراها
مريم "جرى ايه ياملك صوت بيبي عادى انتى
مالك خايفة كده ليه"

سامى "احنا هنا الفلاحات هتلاقبهم فى كل حنة
اللى شايطة عيل واللى ماسكة عيل يعنى طبيعى
اوى الصوت ده... واستنى اما اشوف الصوت
جاي منين واتأكد لك"

ملك "خلاص مش مهم... انا هروح البيت هتيجوا
معايا"

مردش سامى وبص لمريم مستنى رأيها
"لا انا عايزة اتفرج على البلد"
ابتسم سامى بعد ما سمع رد مريم... ووجه كلامه
لملك

"هنوصلك البيت ونكمل احنا"
وظهرت فلاحه كانت ماشية من جنبهم... من نفس
اتجاه صوت بكاء الطفل... وكانت معاها طفل
رضيع

شاورت عليها مريم
"اهو... كان فيه حد فعلا قريب مننا.. تعالى نكمل
بقى بلاش غلاسة"

ملك "لالا كفاية انا اتخضيت وخلاص مش هقدر
امشى... انا هعرف ارجع لوحدى... متتاخروش
بس علشان ماما متتضايقش"

مشيت ملك فى اتجاه ومريم وسامى فى عكس
الاتجاه

قعدوا يتمشوا وسامى بيشرح لمريم كثير عن
الحياة فى الفلاحين ونظام حياتهم وهى بتتفرج
ومبسطوطة بالمناظر الطبيعية

"معرفة ان البلد هنا بالجمال ده"
"كل مكان وله جماله فيه ناس كتير سابت هنا
علشان مبهورة بالعيشة فى المدينة فباعوا ارضهم
واتنقلوا من هنا"

"وانت مش بتحب المدينة"
"بحب ارضى وشغلى اكثر انا بشتغل مع بابا من
وانا لسه فى الاعدادية باعتبار يعنى انى ابنه
الوحيد علشان كده مبعدهتش بدراستى عن الارض
دخلت كلية الزراعة واتخرجت منها وانا برضه
بشتغل فى الارض وعلى فكرة انا بروح مصر
كتير اوى لان شغلنا برضه مش منفصل عن
القاهرة... انتى تعرفى انى مبسوط اوى بزيارة
النهاردة"

وابتسمت مريم ابتسامة خجولة
"ليه"

"لاسباب كتير اولهم ان بابا وعمى منير رجعوا
يتكلموا بعد مقاطعة سنين وطبعا احنا مش هنتكلم
فى اسباب المهم انهم رجعوا يبقى بينهم مودة
تانى اصل صلة الرحم دى مهمة اوى عارفة
بتدي احساس كده ان الواحد مسنود وانه مش
لوحده فى الدنيا حتى لو احساس معنوى بس
احساس حلو اوى انك تحسى ان ليكى ضهر
وسند مثلا كبتت وانا كراجل برضه محتاج صلة

احس الاحساس ده ان ليا قرايب واهل وعزوة...
رغبت كتير صح"
"بالعكس... انا بسمعك وكلامك حلو اوى "
"هتبقوا تكررُوا الزيارة"
"ان شاءالله"

"طيب ممكن رقم تليفونك ابقى اطمن عليكى..
عليكم يعنى لو ميضايقيكيش"
"لا ابدأ ايه اللى يضايقنى... هات اسجلهولك"
واخذت مريم تليفون سامى وسجلت عليه رقمها
"انا عايزة اسألك على حاجة"
"اتفضلى"

"هى البلد هنا فيها حاجة مش طبيعية"
"مش طبيعية ازاي يعنى"
وحكت مريم لسامى الحكاية اللى حصلت لمامتها
زمان والبخور اللى بيولعوه من المغرب
والصوت اللى سمعته والشكل اللى شافته
سكت سامى شوية...

"اييبويه؟؟ روت فين"
"معاكى... انا بس بفتكر"
"بتفتكر ايه"
"بتخافى؟؟"
"لأ... احكى"

"بصى يا ستى من يوم ما وعيت ع الدنيا واحنا
هنا فى البلد لازم كل واحد يقفل بابه عليه من قبل
المغرب والبخور يبقى فى كل بيت لما بدأت افهم
سألت امى عن السبب كانت بتخاف وتفضل
تقولى يجعل كلامنا خفيف متكلمش فى الحاجات
وتصدنى ومتجاوبنيش بابا لما كانت اسأله كان
يتهرب من الاجابة مع إلحاحى حكى لى"
"حكى ايه .. هو ده اللى عايزة افهمه"
"حكى ان من سنين طويلة كان فيه اسرة فلاحين
غلبية الراجل اتعرف على واحد من اللى بيقولوا
انهم بيفهموا فى الجن والكلام ده وقاله ان بيته
تحتة آثار ولو لقوها حاله هيتبدل ويبقى اغنى
واحد وطبعا الفلاح الغلبان عينه ز غللت ع
الفلوس ووافق الراجل وبقي كل يوم يحفروا تحت
البيت ومحدث حاسس بحاجة"
"ولقوا الاثار ؟؟"
"لا ملقوش حاجة بس الراجل قاله ان الجن بيدلوه
على مكان تانى قبل البلد بشوية وهو ده اللى فيه
الآثار"
"وبعدين عملوا ايه"
"قبل عملوا ايه الراجل ده كان عينه على مرات
الفلاح وعلشان كده بيضحك عليهم علشان يفضل
معاهم طول الوقت"

"وهى كانت موافقة على كده"
"اللى كانوا يعرفوها بيقولوا انها اكيد كانت
بتصدده والا مكنش حصل اللى حصل"
"ايه اللى حصل"

"لما اخدوا المكان التانى بره البلد عملوا هناك
عشة صغيرة وبقوا يحفروا جواها علشان محدش
يشوفهم... كانوا الرجالة بيروحوا بالليل ويرجعوا
الصبح... الفلاحة وولادها مسابتش البلد... وفى
يوم رجع الراجل من غير جوزها وقالها انه مات
هى اتصدمت وراحت تجرى على هناك شافت
جوزها مدبوح والتانى اعتدى عليها رجعت البيت
لقت ابنها الرضيع وقع فى الحفرة اللى كانوا
فاكرين فيها اثار... والراجل كان راجع وراها
برضه متحملتش كل الصدمات دى حرقت البيت
وهما جواه"
"ماتوا"

"اه كلهم هى والراجل صاحب جوزها وبننتها
الكبيرة وابنها كان ميت قبل الحريق"
"ايه الحكاية الغريبة دى... وعلاقتها ايه باللى
بيحصل فى البلد"

"قصدك اللى كان بيحصل... بيقولوا بقى ان
ارواحهم بتطلع بالليل بتبقى بين بيتهم اللى فى
البلد هنا وبين مكان ما باباهم اتقتل"

"وده اللي بيفسر صوت الطفل؟؟؟"
"اه يقولوا الطفل بيعيط لانه كان بيستجد لما
وقع فى الحفرة و روح مامته بتلف فى البلد ورا
الصوت لاحساسها بالذنب"

"يعنى اللي ماما شافته ده كان حقيقى"
"تقريباً اه"
"والبخور"

"البخور بيمنع الارواح الشريرة من الدخول
للبيت علشان كده بيولعوا بخور كتير علشان
الارواح دى تفضل بره وتمدخلش البيت"
"انا خفت"

"متخافيش الكلام ده انتهى خلاص"
"انتهى ازاي يعنى"

"انا نسيت اقولك ان كل ده مكنش حد لقي جثة
الاب اللي كانت جزأين لان القاتل دبحه وفصل
راسه عن جسمه ولما لقوهم بقى كل الحاجات دى
اختفت"

"ازاي يعنى... ايه التفسير المنطقى لكده"
"تفسير منطقي معنديش انما انا عشت الاحداث
دى واقدر الكد لك ان كل ده حصل بجذ"
"احداث الحريق والقتل"

"لالالا دول حصلوا قبل ما تولد انا بتكلم عن
الارواح اللي كانت بتلف طول الليل فى البلد...

بس كل ده خلص من حوالى 10 سنين وبقينا
عادى وبخرج بالليل والناس بتسهر فى بيوتها
وبره بيوتها عادى جدا"
"ماما ليها حق تخاف بجد"
"خفتى؟؟"
"بعد اللى انت قلتة ده كله عايزنى مخافش"
"انا آسف بس انا سألتك الاول"
"ولا يهملك"
بصت مريم فى ساعتها
"ياااااه فات ساعة بسرعة كده...ياللا بقى نرجع
علشان متأخرش"
"لما انزل القاهرة ممكن ابقى اشوفك"
ردت مريم بابتسامة خجولة
"ان شاءالله"

سامى قال وهو خارج "انا رايح ادور عليها
بالعربية"

منير "انا جاى معاك"

خرجوا وخرج سعد معاهم

فاطمة بتعيط بانهييار ومريم هي كمان بتعيط

تفكير مريم وفاطمة فى نفس الاتجاه

حصلها حاجة من الحاجات الغريبة اللى فى البلد

فات حوالى 10 دقائق فاتوا كأنهم 10 ساعات

لقوا الباب بيتفتح... وداخلة سامية

ومعاها ملك

مريم "ملك... ملك اهي ياماما"

ملك وسامية مستغربين من الاستقبال ده

والخضة والتوتر اللى كل الموجودين فيها

وسألوا الاتنين

"فى ايه"

فاطمة "كنتى فين حرام عليكى... انا كنت هموت"

ملك "بعد الشر عليكى ياماما.. انا كنت راجعة

قابلت سامية خارجة من البيت قالت انها رايحة

بيتها تجيب حاجات وراجعة على طول فروحت

معاها... هو احنا اتأخرنا؟؟؟"

مريم "مش موضوع تأخير... احنا قلقتنا "

ملك "انا فعلا نسيت اتصل بيكم اعرفكم... انا

اسفة"

ام سامى "وانتى مش المفروض تقولى قبل ما
تاخديها"

سامية "ياماما والله ماعرف انهم هيقلقوا كده...
حقك عليا يا مرات عمى"

راحت سامية ناحية فاطمة وباست راسها
فاطمة "الحمدلله انها رجعت بالسلامة... كلمى

باباكي يامريم يرجع"

واتصلت مريم بمنير

"الشبكة وحشة برضه ياماما"

سامية "تعالى نطلع فوق الشبكة بتبقى كويسة

ساعات من شباك اوضة سامى"

فاطمة "اطلعى يامريم طمنينهم"

طلعت مريم مع سامية... وفتحت اوضة سامى

دخلت مريم الاوضة... لفتت نظرها انها اوضة

متبانس انها فى قرية فى الفلاحين

اوضة شيك... فيها مكتب وعليه لاب توب

ومكتبة كبيرة منظمة وفيها كتب فى كل الفروع

ده اللى لمحته من تقسيم المكتبة المكتوب على

رفوفها

وقفت مريم عند الشباك... واتصلت بمنير

"الوو... ايوه يابابا ملك رجعت... كويسة والله..."

لما رجعت قابلت سامية وهى خارجة راحت

معاها ورجعوا... مع السلامة"

خلصت مريم... وخرجت من الاوضة مع سامية
بعد ما حست ان وجودها فى اوضة سامى قربها
منه

وهما خارجين... سمعوا صوت من اوضة تانية
"ده جدى صحا ... هروح اشوفه وكويس انه
صحا وانتوا هنا علشان كان عايز يشوف عمى
منير"

بصت مريم فى ساعتها... كانت 4وربع
سرحت ... ياترى لسه قد ايه ويمشوا من البلد قبل
المغرب
"انا هنزل لماما"
"طيب"
نزلت مريم لمامتها... ودخلت سامية لجدها

بعد 5 دقائق وصل منير وسامى وسعد
سامية قالت لسعد ان جدها صاحى وواعى
وبيسأل عليهم
طلع سعد ومنير للجد... وبعد شوية نادوا على
فاطمة والبنات
الوقت بيمر بسرعة... والتوتر بييزيد
فاطمة وبناتها خايفين بييجى الليل وهما لسه فى
البلد

لما وصلت الساعة 5 الا ربع... قامت فاطمة تسلم
على كل الموجودين وده كان بمثابة قرار انها
بتتهى الزيارة فى الوقت ده بالضبط وتحاول تنقذ
ما يمكن انقاذه بالخروج من البلد قبل المغرب
ودخول الليل
وبعد محاولات فاشلة من سعد ومراته بدعوتهم
للمبيت
خرجوا فاطمة ومنير وملك ومريم من البيت
وركبوا عربيتهم
والكل بيودعهم من على باب البيت

. 7 .

خرجوا من البلد قبل المغرب ب 5 دقائق
اخذت فاطمة نفسها وهى مرتاحة انهم مشيوا من
البلد

مريم سرحانة فى كلام سامى عن الحكاية
ملك رجعت راسها لورا ... استعدادا للنوم
فاطمة"الحمدلله اننا مشينا ده انا كنت حاطة ايدى
على قلبى"

مريم"بس سامى بيقول ان البلد بقت عادية
ومفيش حاجة"

فاطمة"ماهما طول عمرهم بيقولوا مفيش حاجة
انما عمرى ما هكذب عينيا ابداءا"
سكتت مريم... كانت مرهقة لانها صاحية من
بدرى

رجعت راسها لورا وبصت لملك اللى كانت نائمة
غمضت عينيهها هى كمان... ونامت

هزة فى العربية... صحت مريم وملك
فاطمة"فى ايه يامنير... وقفت كده ليه"
منير"مش عارف ... العربية وقفت فجأة"

فاطمة "نستتى وهو يعنى مفيش عربيات هتعدى"
منير "مانتى شايفة مفيش غير عربية واحدة
ويا عالم امتى هتعدى عربية تانى"
ملك "انا خايفة الطريق شكله مرعب والدنيا ليل
كده"

مريم قلبها بيدق من الخوف... وبتحاول تتماسك
ردت بصوت متقطع على اختها
"متخافيش"

سكوت تام مش بيقطعه غير صوت الهوا...
وصوت قطرات مطر خفيف بدأ يتساقط
منير "مبدهاش بقى انا هتصل بسعد مش هفضل
واقفين هنا"

ومستناش منير فاطمة ترد مسك تليفونه
"ايه ده... التليفون فاصل... حد يجيب موبايله"
وكل واحدة طلعت موبايلها... وردوا كلهم
"الموبايل فاصل"

منير "انا تليفونى كان مشحون كويس... فصل
ازاى كده"

فاطمة "وانا تليفونى كان مشحون قبل ماننزل
الصبح"

ملك ومريم ردوا فى نفس الوقت
"واحنا"

زاد المطر... وصوت البرق كان بيقطع سكوتهم

وضوء البرق كان يقطع الظلام اللى زاد مع
دخول الليل
كلهم فى العربية التوتر والخوف مسيطر عليهم
ومفيش مجال لاي كلام... ولا اى تصرف
حاول منير يخفف التوتر ... فتح الراديو على
اذاعة القرآن
رغم انه كان الصوت يقطع احيانا او بيشوش
احيانا
الا ان صوت القران كان احسن ونس ليهم فى
موقف زى ده
بدأ المطر يخف تدريجيا.... وان كان شدة الهوا
وتحريكها لفروع الشجر بيزيد الجو العام خوف
فجأة قالت فاطمة
"منيببير... بص هناك كده"
وشاورت على مكان على يمينها... على مسافة
مش بعيدة عن الطريق... نظراتهم كلهم راحت
مكان ما شاورت
منير "ايه ده"
فاطمة "يمكن بيت يمكن ريست ... اى حاجة
المهم مكان ممكن يكون فيه تليفون نتصل بحد من
اخواتنا بيعتلنا عربية تاخذنا"
منير "مفيش قدامنا الا كده... يالا بينا"

ونزلوا من العربية وقفلها منير... ومشىوا كلهم
فى اتجاه المكان
ملك ماسكة فى دراع مامتها وماشيين
ومريم فى دراع باباها ووراهم بخطوتين
لما قربوا شافوا يافطة مكتوب عليها
"القصر الهادى"

المبنى قديم مكون من 3 ادوار
اضواء خافتة فى الدور الارضى.. والدور الثانى
بعض اجزاء منه مضاءة بضوء خافت والدور
التالت مظلم تماما
بيقربوا بخطوات متباطئة مترددة
صوت الرياح الشديدة مع حفيف الاشجار مخيف
صوت انفجار دوى بشدة... مسكوا الاربعة فى
بعض
قبل ما يكتشفوا انه هزيم الرعد... تلاه امطار
شديدة
مع شدة المطر.. جروا كلهم بسرعة... لمدخل
القصر الهادى

اول ما فتحوا الباب الموارب... ودخلوا
شافوا مكان كبير وaaaسع... وشبه فاضى
بييصوا حواليههم... مفيش حد خالص
منير بصوت هادى
"السلام عليكم ... فى حد هنا"
وسمعوا صوت اقدام جاية من جنب مظلم
الشكل مش واضح... الاقدام بتقرب
"اهلا وسهلا... اتفضلوا"
ظهرت شابة فى نهاية العشرينات... لابسة
جلابية فلاحى سودا
ورابطة راسها بطرحة سودة
ملامحها رغم الفقر اللى باين عليها... جميلة
منير"فيه تليفون لو سمحتى... اصل احنا عربيتنا
عطلت بره ع الطريق وشفنا النور قلنا يمكن
نلاقى تليفون"
الفلاحة"لا والله مفيش تليفون... بس تقدرنا
تطلعوا تناموا وترتاحوا"
بص منير لفاطمة ... هزت فاطمة راسها ايجابا
منير"ماشى"

مشيت الفلاحة الشابة ووراها منير وفاطمة
والبنات
طلعت الدور التانى... مشيت طرقة طويلة ضيقة
على جوانبها اوض مقفولة... ومضلمة
وصلت لاوضة فتحتها
"اتفضلوا... انا اخترت لكم الاوضة دى علشان
قريبة من الحمام... الحمام اهو"
شاورت على الحمام اللى كان على بُعد اوضتين
تانيين
منير "شكرا"
دخلوا الاوضة... وقفلوا عليهم
الاوضة فيها سريرين حديد صغيرين
وترابيزة صغيرة و2 كرسى
فاطمة "ايه القرف ده... الملايات زى الزفت"
منير "اهى اوضة مقفولة علينا لحد الصبح هنعمل
ايه يعنى"
ملك "بابا... المكان هنا يخوف اوى"
منير "متخافيش انا معاكم اهو"
وسمعوا صوت بكاء طفل رضيع
نطت ملك مسكت فى فاطمة اللى صوتها مطلعش
لما حاولت تتكلم
مريم كل اللى قدرت تعمله انها فضلت واقفة
مكانها لان رجليها مقدروش يتحركوا من مكانهم

منير "جرى ايه مالكم... اكيد حد من الموجودين
معاه طفل"

مريم "الصوت جاى من فوق واحنا لما كنا بره
الدور الاخير كان مضلم خالص"
منير "حتى انتى كمان يامريم هتعملى زيهم انا
اللى بقول عليكى جريئة ومبتخافيش"
سكتت مريم... والصوت بدأ يقل تدريجى لحد ما
اختلفى

منير "هتفضلوا واقفين كده... وانتى ياملك
هتفضلى ماسكة فى ايد مامتك كده... مفيش حاجة
متكبروش المواضيع"
وقعد منير على طرف سرير من الاتنين...
وراحت مريم قعدت جنبه
فاطمة "تعالى ياملك بقى مش هتفضل واقفين"
ملك "انا قر فانة"

فاطمة "هنقعد بس مش هننام"
وراحت ملك قعدت جنب مامتها... بعد ما قعدت
تنفض بايدها فى مكان ما هتقعد
صوت تكتكات متتالية سريعة... هى صوت
المطر على القزاز
ضوء البرق بيخطف يزيد ضوء الاوضة الخافت
قامت فاطمة تبص من الشباك

مسحت مكان بخار نَفْسها وقربت وشها من
القزاز علشان تشوف بره
شهقت فاطمة وصرخت وهى بترجع لورا برعب
قام منير بسرعة يبص مكان ماكانت واقفة وهو
بيقول
"فى ايه"

فاطمة بتعيط
"نفس الست اللى شفتها زمان لقيتها ورا القزاز...
شكلها غريب بعين واحدة وبوء من عينيها لحد
دقنها"

منير وهو ببص من ورا القزاز
"مفيش اى حاجة يافاطمة"
قامت مريم تبص من باب الفضول... مشافتش
حاجة غير ضلّمة
فاطمة وهى لسه خايفة
"تعالى نمشى من هنا يامنير"

منير وهو بيجز على اسنانه من الغيظ وبيتكلم
بصوت واطى
"نمشى نروح فين... نقعد فى الشارع... على
الاقل احنا هنا فى اوضة مقفولة علينا... أمن من
الشارع"

مريم "مفيش حاجة ياماما والله... يمكن خيال بس
من الشجر واتهيا لك"

ملك ساكنة ماسكة بس فى مامتها وبتططب
عليها وتحاول تهديها
منير "انا هروح الحمام... واشوف عندهم اى
حاجة تتاكل"
فاطمة "استنى انا كمان عايزة اروح الحمام"
منير "طيب قومى"
مريم "هنستناكم هنا"
ملك هزت راسها موافقة على كلام مريم

. 9 .

خرج منير وفاطمة من الاوضة...

الطريقة مضلّمة اوى ومفيش اى ضوء غير بعيد
مشيت فاطمة ماسكة فى ايد منير لحد ما وصلوا
للحمام

فتحوا باب الحمام... لقوا طريقة مربعة ومنها
اتنين حمام قصاد بعض
"هو مفيش نور هنا يا منير"
"اكيد فيه"

واتحسس منير الحيطّة اللّلى جنب الباب
"اهو... لقيت مفتاح النور"
فتح النور... نور مهزوز متقطع بيروح وييجى
"ايه ده... هو النور ماله بيعمل كده ليه"
"اكيد اللّلمبة بايظة علشان كده كانوا طفينها... انا
هدخل الحمام ده وادخلى انتى هنا"
ودخل كل واحد فيهم حمام

فاطمة... الحمام كبير وواسع ومدور وله 3
ابواب
وفيه حوض واحد
وجواه 3 ابواب صغيرين ...
فتحت فاطمة بحذر واحد من الابواب الصغيرة...
لقيت اخيرا الحمام
بعد ما خلّصت... طلّعت تغسل ايديها

الضوء ببيروح وببيجي... هي بتغسل ايديها
بسرعة

خلصت... بصت حواليتها

"ياترى اخرج من اي باب فيهم؟؟"

احتارت وهي مش عارفة تخرج من اي باب من
الابواب ال3

فكرت انها تفتح كل باب وتشوف لو لقت الباب
قدامه حمام تانى يبقى هو ده اللي دخلت منه
فتحت اول باب بحذر وببطء... الباب بيزيق
وصوته بيقطع الصمت

شافت باب الحمام التانى قصادها... اطمنت ان
هو ده الباب اللي دخلت منه

خرجت... ووقفت فى الطرقة الصغيرة اللي بين
البابين تستنى منير

استنتت... هو مش متعود يتأخر كده فى الحمام
استنتت تانى... اتأخر... قلقت

خبطت على الباب بصوت يتناسب مع الصمت
"منير... منيببير"

مفيش رد ولا صوت مياه يدل انه لسه جوه

"كده يامنير تسينى وترجع"

قالت لنفسها كده... وقررت انها ترجع الاوضة
تانى

دى المسافة يدوب على بُعد اوضتين

لما خرجت من الباب... الخارجى لل 2حمام
بصت لقت منظر تانى خاالص غير الطرقة اللى
فيها الاوضة بتاعتهم
رجعت تانى علشان تخرج من باب تانى من
الابواب ال 3 للحمام
الباب مش بيتفتح... الباب مقفول
التقت تانى للمكان اللى اصبحت فيه... مُجبرة
لقيت نفسها فى اوضة مربعة مساحتها لا تتجاوز
20 متر
ولها باب واحد... راحت بسرعة على الباب
الوحيد اللى هيخرجها من المكان المغلق اللى هي
فيه
فتحت الباب... وبمجرد ما فتح الباب
شافت نفس الشكل اللى بتشوفه كل مرة
بس المرة دى معاها سيف طويل
وبحركة سريعة افقية على رقبتها
كانت الاوضة وحوائها كلها... دم

. 10 .

منير دخل من باب الحمام...

وهو عبارة عن حوض و2 حمام
بعد ما خلص... غسل ايده وخرج
وهو واقف يستنى فاطمة
شاف بنت صغيرة من ضهرها ... بتعيط وماشية
لوحدها فى الطرقة المضلمة
قرب منها... وكل ما يقرب منها... تبعد عنه
"مالك يا شاطرة"
البنيت بتعيط وبتفرك فى عينيها... وبتقول بصوت
واطى
"ماما... ماما"
منير ماشى وراها زى المسحور
طلعت سلم ضيق ... طلع وراها
بتطلع.. وهو بيطلع
سلام كثير... كثير
لحد ما وصلوا للقصر من فوق
فوقه السما.... ليل مظلم رغم توقف المطر
البنيت مشيت لحد سور السطح... طلعت وقفت
على السور
جرى منير عليها
"استنى هنا... هتلقى"
التفتت البنيت لمنير... شاف الشكل المرعب اللى
وصفته فاطمة

وش بعين واحدة وبوء كبير مفتوح من عينها
لدقتها

رجع منير لورا ووقع من الخضة... قام بسرعة
وهو يقول
"فاطمة"

افتكر فاطمة والبنات... خاف عليهم
نزل يجرى... نزل الدور الثالث... وكمان دور
لحد ما وصل الدور التانى
بيجرى ناحية الحمام والاوزة اللي فيها البنات
مع سرعته... اهتز جزء من الارض
الخشبية المهترئة

ووقع منير.. مكان مظلم والضوء الوحيد هو
الضوء الخافت الظاهر من الفتحة اللي وقع منها
قام يحاول الخروج من المكان اللي هو فيه
مش باين اى حاجة... مشى على جنب وايده على
الحيطة يتلمسها

وصلت ايده لمقبض باب... وبدون تردد فتحه
لقى نفسه فى المدخل الرئيسى للمكان اللي دخل
منه

كل شئ يبدو طبيعى وهادى
اتجه للسلم.. طلع للدور التانى
مشى الطريقة الطويلة وقبل ما يوصل للاوضة
سمع صوت انين واهات

مشى ناحية الصوت... الصوت خارج من اوضة
مقفولة
قرب ببطء... فتح الباب فجأة
شاف راس فاطمة متعلقة فى نص الاوضة
لوحتها
والاوضة كلها ملطخة بالدم
خاف... لف بسرعة علشان يخرج
كان فيه سيف اسرع منه ييفصل رقبتة عن جسمه

"ماما وبابا اتأخروا اوى يا مريم"
"فعلا ... يكونوا راحوا فين كل ده"
"انا خايفة"

"طيب استنى هنا واروح كده ابص عليهم واجى"
"لالالا متسيبينيش انا خايفة"
"طيب تعالى ندور عليهم مع بعض"
وخرجوا مريم وملك من الاوضة
الطريقة ضوءها خافت... الاتنين ماسكين فى
بعض

وصلوا للحمام... خبطوا على الباب
مفيش صوت نهائى لدرجة انهم نادوا على باباهم
ومامتهم بصوت اشبه بالهمس
"شكلهم مش جوه"

قالتها ملك بقلق... ردت مريم
"تعالى نسأل الست اللي هنا يمكن شافتهم"
مشيوا وهما بيتلقتوا حوالىهم
هدوء تام... وضلمة نسبية
نزلوا على السلم... دور واتنين
مش هو ده المكان اللي دخلوا فيه اول ما وصلوا
ده برضه طريقة طويلة فيها اوض
"مريم مش احنا نزلنا دورين"
"اه"

"بس ده دور شبه اللي كنا فيه"

"يمكن واحنا طالعين اتلخبطنا فى عد الادوار...

لسه السلم مكمل لتحت"

ونزلوا لتحت... دور واتنين والسلم مبيخلصش

بصوا لبعض... شبكوا ايديهم فى ايد بعض

وظلعوا على السلم تانى بسرعة وبدون كلام

طلعوا 4 ادوار... الاتنين انفاسهم بتتلاحق من

الجرى والخوف

ملك وهى بنتهيج" ايه ده يا مريم... لا فيه حد ولا

فيه باب و ل..."

وقاطعتها مريم... حطت صباعها على بؤها فى

اشارة للسكوت

وبايدها الثانية شاورت على ودنها بمعنى اسمعى

وشاورت على واحدة من الاوض الموجودين

قربوا البنيتين من باب الاوضة اللي كان فيها

صوت هادى

وسمعوا حوار رغم ان الاوضة مش باين اى

ضوء منها

" - اسمع كلامى بس دى حاجة سهلة اوى

- و افرض ملقيناش حاجة زى ما طلع الحفر

هنا ع الفاضى

- مين قالك بقى... المرة دى متأكد

- بس فين المكان ده

- قبل البلد بشوية ومتقلتش احنا هنروح
بالليل ومحدث هياخد باله ولا يعرف
حاجة ولما نلاقى المصلحة وتبقى من
اصحاب الملايين شوف بقى حياتك وحياة
ولادك هتبقى ازاي
- (صوت نسائي) الشاى
- تسلم ايدك يا ام كامل... احضرينا ياستى
وشوفى جوزك ده
- (الصوت النسائي) اللي يشوفه ابو كامل"
مريم سرحت وافتكرت وهى قاعدة مع سامى
ويحكى لها

شدت مريم ملك بعد اللي سمعته... وجرؤا
بعيد

"بتجرى ليه مش يمكن الناس دول يساعدونا"
"يساعدوا ايه بس... انتى مش فاهمة حاجة"
"فهمينى طيب"
"مش هينف...."
وقاطعتها ملك... وقالت بصوت هامس وهما
بعيد عن الاوضة الاولانية
"سامعة الاوضة دى كمان باين عليها فيها
حد"
وقربوا البنيتين من باب الاوضة... وسمعوا

- المرّة دى كان الصوت اعلى شوية
 "- انت جيت لوحذك ليه فين جوزى
 - ا ا اصل الحكاية
 - اصل ايه وفصل ايه ..جوزى فين
 - شدى حيلك
 - اشد حيلى يعنى ايه؟؟؟ انا عايزة اشوفه
 - قضاء وقدر وقع عليه الفاس واحنا بنحفر
 - وهو فين
 - هناك بره البلد تعالى معايا"

"ياللا يا ملك احنا لازم نخرج من هنا"
 "نخرج منين ولا ازاي... وانتى ليه خايفة كده
 بدل ما تظمنى من ان فيه ناس معانا هنا"
 شدتها مريم وجريت على السلم
 مريم نازلة تجرى وبالتبعية ملك فى ايدها
 "استنى يا مريم... مش لما نشوف ماما وبابا
 فين"

"احنا هنا فى مكان مش طبيعى ابدأ يا ملك
 ولازم نخرج منه"

"وهو احنا لاقيين اى مخرج"

"ان شاء الله هنلاقي"

مع كل دور ينزلوه يدوروا على اى مخرج
 منه مش لاقيين

سمعوا صوت صراخ جاى من اوضة
ولاول مرة اوضة مفتوحة
بصوا لبعض بخوف... مفيش قدامهم اى
اختيار تانى
غير يشوفوا مصدر الصوت ده ايه
قربوا من الاوضة المفتوحة ومن على بُعد
شافوا جثة فى الارض لرجل مفصول راسه
عن جسمه
وست بتصوت وتلطم... وراجل تاتى ببيشدها
وبيتهجم عليها

ملك ومريم خافوا اكثر راحوا ناحية السلم
نزلوا بسرعة واخيرا شافوا الباب اللى دخلوا
منه بس كان بعيد شوية

قبل ما يوصلوا للباب
شافوا نفس الست اللى كانت فوق بتعيط على
جوزها
شايلة جثة طفل وبتعيط... وجنبها نفس
الراجل اللى كان معاها
قاعد بيولع سيجارة وبهدوء وبرود اعصاب
حطت الست جثة الطفل على الارض ...
وراحت لركن فيه وابور جاز... فضت الجاز

على الراجل اللى اشتعل بسرعة لان
السيجارة كانت فى ايده
والباقى على هدمها... وامتدت ليها النار

النار بتزيد... وبسرعة البرق وصلوا مريم
وملك للباب
واول ما فتحوه... شافوا قصادهم الشكل
المرعب اللى وصفته فاطمة
ست بعين واحدة وبوء كبير من عينيها لدقنها
وف ايدها سيف.... رفعته وبحركة افقية قطع
السيف رقبة ...

. 12 .

صوت قريب

"مريم ... مريم "

فتحت مريم عينيها ببطء

وحست بألم شديد فى رقبتها

مسكت رقبتها قبل ما تتبين مين بيكلمها

"ماما؟؟؟"

"ايوه... انتى نعسانة للدرجة دى ..قومى وصلنا"
بصت مريم حواليتها... هى لسه فى عربية باباها
بصت شمالها شافت ملك واقفة بره العربية
ومامتها بعد ما صحتها سابت الباب اليمين مفتوح
علشان تنزل
وبتاخذ شنطتها من على الكرسي اللي قدام
باباها واقف بيكلم بواب العمارة
ملك بتشارولها "ياللا انزلى"
نزلت مريم من العربية... وراحت على ملك
"ايه مالك يا بنتى مسهمة كده ليه"
"رقتى بتوجعنى اوى"
"اصل انتى طول الطريق نائمة وهى معوجة
اكيد اتلوتحت"
سكتت مريم بعد ما فهمت ان كل اللي مر بيهم ده
... كابوس

اول ما دخلوا شقتهم
فاطمة ومنير دخلوا اوضتهم يغيروا هدمومهم
مريم وملك دخلوا اوضتهم يغيروا هدمومهم
رن موبايل مريم... ردت مريم على التليفون
بابتسامة

"الوو... الحمد لله... اه لسه واصلين... لا مش
هنام... اوك ابعت الايميل فى مسدج... ساعة كده
ان شاء الله... سلام"
قفلت مريم الموبايل ومازالت مبتسمة
"ايبيبيبيه"
"ايه يمالك خضتيني"
"ايه النحنة دى يابت... كنتى بتكلمى مين"
"سامى"
"سامى؟؟ سامى اللى هو سامى اللى لسه عارفينه
النهاردة"
"ايوه"
"وموبايلات وايميلات وحركات... ااااه كده
فهمت ابن الاروبة ده اخد باله من لون عينينا
ازاى... الاخ معجب"
ضحكت مريم وراحت على دولابها اخدت فوطه
وهدوم
"رايحة فين"
"محتاجه دُش علشان النهاردة كان يوم غير
عادى"
"طبعا طبعا"
قالتها ملك وهى بتمسك قلبها..
ابتسمت مريم وهى بتخبطها بحنية بالفوطه
"لا ياختى مش علشان كده"

"اومال ليه"
"بصى هاخذ دُش واجى اترمى فى حزن
سريرى واحكيلك كل حاجة بما فيها القصر
الهادى"
"ايه القصر الهادى ده... فيلم رعب"
"لا وانتى الصادقة ده حلم رعب"

النهاية

تمت بحمد الله

القصر الهادي

بعدها عاد منير من عمله واخبر زوجته بضرورة الذهاب في اليوم التالي لعمه الذي يحتضر... وضرورة ذهابها معه هي وبناته تتداعي ذكريات زيارة قديمة للبلد في مخيلة فاطمة وترفض الذهاب، ومع اصرار منير تذهب فاطمة والبنات لزيارة البلد، احداث ليلية قديمة عاشتها فاطمة في البلد تسيطر علي عقلها وتحاول يريم الابنة معرفة حقيقة ما حدث مع والدتها قديما احداث عصبية تمر بها أسرة منير لتتكشف في النهاية ان تلك الاحداث...

دينا عماد كاتبة بور سعيدية تكتب القصص القصيرة والخواطر منذ الطفولة بدأت احتراف الكتابة بكتابة كتب في الكلمات المتقاطعة تعمل حاليا معدة الكلمات المتقاطعة بجريدة الوفد

وكاتبة بمجلة البوسطجي وابنتكرت شخصية ام حدوة بالمجلة، انشئت مدونتها الخاصة "قصص دينا عماد" التي تنتشر فيها رواياتها علي حلقات يومية، قدمت سابقا برنامج اجتماعي اسبوعي علي راديو وسيط اف ام

